

p. 40 line -2【依正皆能說法】本經：「是諸眾鳥，晝夜六時出和雅音，其音演暢五根、五力、七菩提分、八聖道分如是等法。」(p. 165)「微風吹動，諸寶行樹及寶羅網，出微妙音，譬如百千種樂同時俱作，聞是音者，皆自然生念佛、念法、念僧之心。」(p. 188)《大本》：「清風時發，出五音聲。微妙宮商，自然相和。是諸寶樹，周徧其國。」七寶池八功德水：「微瀾徐迴，轉相灌注。波揚無量微妙音聲。」

p. 42 line 1【釋論】《大智度論》卷5〈1 序品〉：「除諸法實相，餘殘一切法，盡名為魔。如諸煩惱、結、使，欲、縛、取、纏；陰、界、入；魔王、魔民、魔人—如是等盡名為魔。」(T25, p. 99, b19-21)

p. 42 line -3【法華經】對《妙法蓮華經》卷1〈2 方便品〉：「唯佛與佛乃能究盡諸法實相，所謂諸法如是相，如是性，如是體，如是力，如是作，如是因，如是緣，如是果，如是報，如是本末究竟等。」(T09, p. 5, c10-13)

p. 42 line -2【觀心釋】對於經典或法義的詮釋，在我國古代各宗派中曾有相當豐富的發展。譬如天台宗有「四種釋義」，即因緣釋、約教釋、本迹釋、觀心釋。智者大師曾用這四個觀點解釋《法華經》。～《中華佛教百科全書》

又作天台「四大釋例」、「四種消釋」、「四種消文」。即：(一)因緣釋，又稱感應釋。就佛與眾生之關係因緣而作解釋。謂教法係由感應道交而興起，以四種悉檀為因緣，作四種釋義：(1)世界悉檀、(2)各各為人悉檀、(3)對治悉檀、(4)第一義悉檀。(二)約教釋，就藏、通、別、圓四教之義，由淺至深解釋經文。(三)本迹釋，示本跡之別，依本地與垂跡二門而解法義。(四)觀心釋，瞭解法義，但行未隨解，於己無益，故再以一一之文句為觀心之對境，觀己心之高廣。～《佛光大辭典》

p. 43 line 5【性量+性體+性具】傳燈《淨土生無生論》卷1：「一真法界即眾生本有心性，此之心性具無量德，受無量名。云何具無量德？舉要言之，謂性體、性量、性具。云何性體？謂此心性，離四句、絕百非，體性堅凝，清淨無染，不生不滅，常住無壞。云何性量？此心性豎窮三世，橫遍十方，世界有邊，虛空無邊。虛空有邊，心性無邊。現在有邊，過未無邊。過未有邊，心性無邊。無盡無盡、無量無量。云何性具？謂此心性具十法界…假名…正報，謂佛五陰、菩薩五陰，乃至地獄五陰，此是實法。復有依報，謂佛國土…三種分別。」(T47, p. 381, b8-16)

p. 43 line 7【撈】ㄖㄩˊ。逼；擠壓。～《漢語大詞典》ㄖㄨˊㄉㄨˊ。逼也。相排迫也。

【正字通】本作搯。～《康熙字典》

p. 43 line -2【別顯三諦】《淨土生無生論》卷1：「此之三法亦名三諦：性體即真諦，性量即中諦，性具即俗諦。」 「《楞嚴經》云：而如來藏妙明元心，非心、非空，非地…非常樂我淨。此即性量無相，是為真諦。而如來藏元明心妙，即心、即空，即地…乃至即如來常、樂、我、淨，此即性具十界，是為俗諦。而如來藏妙明心元，離即、離非，是即、非即，此即性體，是為中諦。又云：「如來藏性色真空，性空真色，清淨本然，周遍法界，地、水、火、風、空、見、識莫不如是。」地、水、火、風、空、見、識即性具也，清淨本然即性體也，周遍法界即性量也。又云：「地、水、火、風、空清淨本然，周遍法界」，即依報國土性體、性量也。「見、識清淨本然，周遍法界」，即正報五陰性體、性量也。」(T47, p. 381, b27-c16)

p. 43 line -4【無生論】《淨土生無生論》卷1：「法界圓融體，作我一念心，故我念佛心，全體是法界。論曰：

行者稱佛名時、作佛觀時、作主伴依正觀時、修三種淨業時、一心不亂時、散心稱名時，以至見思浩浩恒沙煩惱，凡此有心，皆由真如不變隨緣而作，全體即法界。故法智大師云：「法界圓融不思議體，作我一念之心，亦復舉體作生、作佛、作依、作正。」若然者，餘心尚是，況念佛心乎！是故行者念佛之時，此心便是圓融清淨寶覺，以此妙心念彼阿彌，則彼三身何身不念？求彼四土，何土不生？但隨功行淺深，品位高下耳。」(T47, p. 382, c16-26)

《觀無量壽佛經疏妙宗鈔》卷1：「法界圓融不思議體。作我一念之心。亦復舉體作生作佛。作依作正。作根作境。一心一塵至一極微。無非法界全體而作。既一一法全法界作。故趣舉一即是圓融法界全分。既全法界。有何一物不具諸法。…以一切法一一皆具一切法故。是故今家立於唯色、唯香等義。若其然者。何故經論多以一心為諸法。總立觀境邪？良以若觀生佛等境。事既隔異。能所難忘。觀心法者近而復要。既是能造。具義易彰。又即能觀而為所照。易絕念故。妙玄云。三無差別。觀心則易。」(T37, p. 197, c20-p. 198, a7)

p. 43 line -1【心性】

心→照→靈知→光→用→隨緣→橫遍十方。

性→寂→寂滅→壽→體→不變→豎窮三際。

p. 44 line 2、-5、p. 45 : 2&p. 46 : 3【妙宗】參考本書 p. 42 line 2

p. 46 line -1【法華經云】《妙法蓮華經》卷1〈2方便品〉：「諸佛隨宜說法，意趣難解。所以者何？我以無數方便，種種因緣、譬喻言辭，演說諸法。是法非思量分別之所能解，唯有諸佛乃能知之。所以者何？諸佛世尊唯以一大事因緣故出現於世。」(T09, p. 7, a18-22)

p. 47 line 1~3【起信論云】《大乘起信論》卷1：「一切諸法唯依妄念而有差別，若離妄念則無一切境界之相。是故一切法，從本已來，離言說相、離名字相、離心緣相，畢竟平等、無有變異、不可破壞。唯是一心，故名真如。以一切言說假名無實，但隨妄念不可得故。言真如者，亦無有相。謂言說之極，因言遣言。」(T32, p. 576, a9-15)

p. 48 line -3【逆修順修】《觀無量壽佛經疏妙宗鈔》卷1：「六種即名皆是事理體不二義。而事有逆順。名字等五是順修事。唯理性一。純逆修事。此逆順事與本覺理體皆不二。其逆順名自何而立？以知不二。事皆合理。名之為順。其不知者。事皆違理。故名為逆。名字等五。若淺若深。皆知皆順。若初理即。唯迷唯逆。而迷逆事與其覺理未始暫乖。故名即佛。」(T37, p. 200, a29-b7)

p. 48~p. 50

現前一念心性	性德		性修合論	修德
寂	常寂光土	法身無相	寂 } 性德名法身 照 } 修德名報身	照寂→受用身
照	清淨法身	報身有相		寂照→應化身

p. 50 line 4【四智心品】即佛果四智。謂至佛果轉捨有漏識蘊所依而得之四種無漏智。略稱四智。據成唯識論卷十、佛地經論卷三等載，唯識宗立大菩提之智品為四種無漏智相應心品，即：成所作智、妙觀察智、平等性智、大圓鏡智。(1)轉有漏前五識→成所作智，佛成功所作一切普利眾生的智慧。(2)轉有漏第六識→妙觀察智，佛觀察諸法及一切眾生根器而應病予藥與轉凡成聖的智慧。(3)轉有漏第七識→平等性智，佛通達無我平等的道理，而對一切眾生起無緣大悲的智慧。(4)轉有漏第八識→大圓鏡智，佛觀照一切事相理性無不明白的智慧，此智慧清淨圓明，洞徹內外，如大圓鏡，洞照萬物。~《佛學常見辭彙》慧能大師對智通法師開示。《六祖大師法寶壇經》卷1：「大圓鏡智性清淨，平等性智心無病，妙觀察智見非功，成所作智同圓鏡。五八

六七果因轉，但用名言無實性，若於轉處不留情，繁興永處那伽定。」(T48, p. 356, b11-14)

p. 50 line 4【妙宗】《觀無量壽佛經疏妙宗鈔》卷2：「三身…色是應身。通於勝劣及他受用。法門是報身。以諸法門。聚而為身。即八萬四千陀羅尼為髮。…此諸法門。若從所證名為法身。今從能證名為報身。自受用也。實相是法身。」(T37, p. 202, b26-c3)

p. 51 line 2【無二無不二】《大乘起信論》卷1：「問曰：「上說真如其體平等，離一切相，云何復說體有如是種種功德？」答曰：「雖實有此諸功德義，而無差別之相，等同一味，唯一真如。此義云何？以無分別、離分別相。是故無二。復以何義得說差別？以依業識生滅相示。此云何示？以一切法本來唯心，實無於念，而有妄心，不覺起念，見諸境界故說無明。心性不起，即是大智慧光明義故。若心起見，則有不見之相。心性離見，即是遍照法界義故。若心有動，非真識知，無有自性，非常、非樂、非我、非淨，熱惱衰變則不自在，乃至具有過恒沙等妄染之義。對此義故，心性無動則有過恒沙等諸淨功德相義示現。若心有起，更見前法可念者則有所少。如是淨法無量功德，即是一心，更無所念，是故滿足。名為法身如來之藏。」(T32, p. 579, a21-b8)

p. 51 line -1【舉全體】《大乘止觀法門釋要》卷2：「此明如來藏不變隨緣作一切世出世法時。乃至一毛孔性。皆是舉全體而成之。非是少分藏性。以藏性真實圓融。不可割裂。非有分劑故也。」(X55, p. 605, b22-24)《楞嚴經玄義》卷1：「總彼七趣昇沉。若靈、若蠢、若善、若惡、若樂、若苦。一一皆是大佛頂不變之性。舉全體以隨緣。而即彼正隨緣時。一一皆即大佛頂性。始終不變之全體。」(X13, p. 201, b18-21)

p. 52 line 5【起信論】《大乘起信論》卷1：「一切諸佛本所乘故，一切菩薩皆乘此法到如來地故。」(T32, p. 575, c28-p. 576, a1)《大乘起信論義記》卷1：「即始覺之智是能乘。本覺之理為所乘故。」(T44, p. 251, b1-2)《起信論疏筆削記》卷1：「乘者。就喻彰名。運載為義。如世舟車可以運重致遠也。即喻菩薩乘。此大法越生死野。度煩惱河。到菩提鄉。登涅槃岸。故下文云。一切諸佛本所乘故。一切菩薩皆乘此法。到如來地故。此中能乘是始覺。所乘是本覺。能所冥符。始本不二。名究竟覺。即是所至之處。」(T44, p. 297, b19-25)